

重修植物名實圖考

小野職慤重修
蔓草類

廿二
下

葛



葛

四十五

蔓草卷之二十二

葛



葛

葛、本經、中品、今之織絺綌者、有種生野生二種、救荒本草、花可煤食、根可爲粉、其葷爲葛花菜、贛南以根爲果、曰葛瓜、宴客必設之、爾雅翼以爲、食葛名雞齊、非爲絺綌者、蓋園圃所種、非野生有毛者耳、周詩詠葛覃、周官列掌葛、今則嶺南重之、吳越亦尠、無論燕豫、江西湖廣、皆產葛、凡採葛、夏月葛成、嫩而短者、留之一丈上下者、連根取、謂之頭葛、如太長、看近根有白點者、不堪用、無白點者、可截七八尺、謂之二葛、凡練葛、採後、卽挽成網緊、火煮爛熟、指甲剝看麻白、不粘青、卽剝下、就流水捶洗淨、風乾、露一宿、尤白、安陰處、忌日色、紡以織、凡洗葛衣、清水揉梅葉洗、漚、夏不脆、或用梅樹、搗碎泡湯、入瓷盆內洗之、忌用水罌、則黑、然嶺北女工、多事苧、南昌、惟西山葛著稱、贛州、則信豐、會昌、安遠諸處、皆治葛、有家園種植者、亦有野生者、而葛布多雜蕉絲、乍看鮮亮悅目、入水變色、質亦脆薄、用純葛絲、則韌而耐久、沾汗不污、會昌之精者、緝績更艱、葛一斤、擇絲

十兩績之半年、始成一端、會昌安遠、有以湖絲配入者、謂之絲葛、湖南舊時、潭州永州皆貢葛、今惟永州、有上供葛、葛生祁陽之白鶴觀、太白嶺、諸高峰、芒種時採、煮以灰而濯之、而曝之白、而擘爲絲、紡以爲布、如方目紗、製爲衫、不可浣汚、則灑以水、垢逐水溜、無痕也、興寧縣亦蒔之、里老云、葛有二種、遍體皆細毛者、可績布、曰毛葛、遍體無毛者、曰青葛、不可績、惟以爲束縛、則又毛葛所不逮、又毛葛亦有二種、蔓延於草上者、多枝節而易斷、成布不耐久、惟緣地而生者、有葉無枝、成布較勝於苧、廣西葛、以賓州貴縣者佳、鬱林葛尤珍、明內監教之、織爲龍鳳文也、粵之葛、以增城女葛爲上、然不鬻於市、彼中女子、終歲乃成一疋、以衣其夫而已、其重三四兩者、未字少女、乃能織、已字則不能、故名女兒葛、所謂北有姑蓑、南有女葛也、其葛產竹絲溪、百花林二處者、良、采必以女、一女之力、日采、祇得數兩、絲縷以織、不以手、細入毫芒、視若無有、卷其一端、可以出入筆管、以銀條紗觀之、霏微蕩漾、有如蝴蝶之翼、然日曬則縲、水浸則蹙縮、其

微弱不可恒服、惟雷葛之精者、細滑而堅、色若象牙、名錦囊葛、栽以爲袍直裰、稱大雅矣、故今雷葛盛行天下、雷人善織葛、其葛產高涼峒洲、而織於雷、爲絺爲綌者、分村而居、地出葛種不同、故女手良與楮功異焉、其出博羅者、曰善政葛、出潮陽者、曰鳳葛、以絲爲緯、亦名黃絲布、出瓊山、澄邁、臨高、樂會、輕而細、名美人葛、出陽春者、曰春葛、然皆不及廣之龍江葛、堅而有肉、耐風日也、詩正義云、葛者婦人之所有事、雷州以之、增城亦然、其治葛、無分精粗、女子皆以鍼絲之、乾撚成纓、不以水績、恐其有痕迹也、織工皆東莞人、與尋常織苧、蓆者不同、織葛者、名爲細工、織成、弱如蟬翅、重僅數銖、皆純葛無絲、其以蠶絲緯之者、浣之、則葛自葛、絲自絲、兩者不相聯屬、純葛則否、葛產綏福都山中、采者日得觔、城中人買而績之、分上中下三等爲布、陽春亦然、其細葛不減增城、亦以紡緝精而葛真云、

雩婁農曰、葛者上古之衣也、質重不易輕、吳蠶盛而重者賤矣、質韌不易柔、水

棉與而韌者賤矣、質黃不易白、苧蔴繁而黃者賤矣、乃治葛者、與絲爭輕、與棉爭軟、與苧爭潔、一疋之功、十倍於絲、與棉與苧、其直則倍於絲、而五倍棉與苧、於是治葛者、能事畢而技盡矣、而受治者、力亦盡矣、褐之壽以世、帛之壽以歲、麻之壽以月、今是葛也、日之焦、風之脆、浣之懈、藏之折、其壽幾何、聖人盡物之性、而不盡物之力、因其重與韌、與黃、而葛之壽、於是次於褐、均於帛、逾於麻、〔長編〕本草經、葛根、味甘平、主消渴、身大熱、嘔吐、諸痺、起陰氣、解諸毒、葛穀主下痢、十歲已上、一名雞齊根、

別錄、葛根、無毒、療傷寒、中風、頭痛、解肌發表、出汗、開腠理、療金瘡、止痛、脅風痛、生根汁、大寒、療消渴、傷寒壯熱、葉主金瘡、止血、花主消酒、一名鹿藿、一名黃斤、生汝山川谷、五月採根曝乾、陶隱居云、即今之葛根、人皆蒸食之、當取入土深大者、破而日乾之、生者、搗取汁飲之、解溫病、發熱、其花并小豆花、乾末、服方寸匕、飲酒不知醉、南康廬陵間最勝、多肉而少筋、甘美、但爲藥用之、不及此間爾、

五月五日、日中時取葛根、爲屑、療金瘡、斷血、爲要藥、亦療瘡及瘡、至良、

唐本草註、葛根、即是實爾、葛雖除毒、其根入土、五六寸已上、名葛脰、服之、令人吐、以有微毒也、蔓燒爲灰、水服方寸匕、主喉痺、圖經、葛根、生汝山川谷、今處處有之、江浙尤多、春生苗、引藤蔓、長一二丈、紫色、葉頗似楸葉而青、七月著花、似豌豆花、不結實、根形如手臂、紫黑色、五月五日、午時採根、曝乾、以入土深者爲佳、今人多以作粉、食之、甚益人、下品有葛粉條、即謂此也、古方、多用根、張仲景、治傷寒、有葛根、及加半夏葛根黃芩黃連湯、以其主大熱、解肌、開腠理故也、葛洪、治腎腰痛、取生根嚼之、嚙其汁、多益佳、葉主金刃瘡、山行傷刺血出、卒不可得藥、但按葉傳之、甚效、貞元廣利方、金瘡中風瘞欲死者、取生根四大兩、切、以水三升煮、取一升、去滓、分溫四服、口噤者、灌下、卽差、

本草衍義、葛根、澧鼎之間、冬月取生葛、以水中揉出粉、澄成皤、先煎湯使沸、後劈成塊、下湯中、良久、色如膠、其體甚韌、以蜜湯中、拌、食之、擦少生薑、尤佳、大治

中熱、酒渴疾、多食行小便、亦能使人利、病酒、及渴者、得之甚良、彼之人、又切入茶中、煮以待賓、但甘而無益、又將生葛根、煮熟作果賣、虔吉州、南安軍、亦如此賣、嘉祐本草、葛粉、味甘寒、無毒、主壓丹石、去煩熱、利大小便、止渴、小兒熱痞、以葛根浸、搗汁飲之、良、臣禹錫等謹按、中品上卷、葛根條、功用與此相通、嶺南雜記、葛根、大如臂、有如瓜者、剖而食之、甘如梨、白如蘿蔔、可以爲粉、南越筆記、高州多種葛、雷州人、市之爲絺綌、秋霜時、有葛花菜、卽葛乳涌生地上、如芝如菌、色赤、味甘脆、微苦、其性涼、乃葛之精華也、亦曰葛蕈、

救荒本草、葛根、今處處有之、苗引藤蔓、長二三丈、莖淡紫色、葉頗似楸葉而小、色青、開花、似豌豆花、粉紫色、結實、如皂莢而小、根形如手臂、掘取根入土深者、水浸洗淨、蒸食之、或以水中揉出粉、澄濾成塊、蒸煮皆可食、及採花晒乾、燂食亦可、

按、寧都州、凡宴客將徹、必以嫩葛根一盤解醒、勸客殷勤、多不遽出、必俟頻

催而後獻、故作事濡滯者、人每譏之、曰如出蔓、長寧曰葛瓜、以飮盤、滇南斧切作片、粥於市、以止渴、

爾雅翼、雞齊、一名鹿藿、一名黃斤、今之食葛、非爲絺綌者也、其生延蔓、甚者、其蔓首至根、可二十步、人皆掘食之、生食甘脆、亦可蒸食、有粉、今江南人、凶歲則掘取以禦凶荒、大抵南康、廬陵者、最勝、多肉而少筋、甘美、其花藤、皆可醒酒、而去酒毒、服方寸匕、飲酒不知醉、博物志曰、野葛、食之殺人、家種之、三年不收、後旋生、亦不可食、吳都賦、食葛香茅、注云、食葛、蔓生、與山葛同根、特大、美於芋也、又曰、葛、絺綌草也、國風曰、葛之覃兮、施于中谷、惟葉莫莫、是刈是穫、又曰、葛生蒙楚、薺蔓于野、旄邱之葛兮、何誕之節兮、葛生山澤間、其蔓延盛者、牽其首以至根、可二十步、釋邱云、前高後下、曰旄邱、旄邱之葛、其節誕闊、此言雖同根一體、然相去差遠、其緩急不相應也、故曰、叔兮伯兮、何多日也、黎之望於衛、亦如此矣、吳都賦、蕉葛升越、弱於羅紈、禹貢卉服、注云、草服葛越、葛花藤、皆可醒酒

去酒毒、

越絕書、葛山者、勾踐種葛、使越女織治葛布、獻於吳王夫差、去縣七里、周書、李遷哲傳、太祖令與田宏同討信州、及田宏旋軍、太祖令遷哲留鎮白帝、更配兵千人、馬三百匹、信州先無倉儲、軍糧匱乏、遷哲乃收葛根、造粉、兼米以給之、遷哲亦自取供食、時有異膳、卽分賜兵士、有疾患者、又親加醫藥、以此軍中感之、人思效命、

維南縣志、物產、葛可爲布、諸山之產最多、民止知秣畜絞索、供饘具耳、洪令其道、始教之爲布、實非難成、後王令象良亦教之、終怠廢不率、誠可重歎、

說文解字注、葛、絺綌艸也、周南、葛之覃兮、爲絺爲綌、从艸曷聲、古達切、十五部、蔓葛屬也、此專謂葛屬、則知滋蔓字、古祇作曼、正如蔓延字、多作莖、从艸曼聲、無販切、十四部、某葛屬也、白華、南山經、其名曰白荅、廣雅曰、某蘇白荅也、按未知卽此物與否、从艸皋聲、古勞切、古音在三部、荅音同、

通草



通草 今木通

通草、本經、中品、舊說皆云、燕覆子藤、中空、一枝五葉、子如小木瓜、食之甘美、今江湘所用、皆非結實者、滇本草、以爲野葡萄藤、此藥習用、而異物非一種、蓋以藤蔓中空、皆主通利關節、故有效也、

〔長編〕本草經、通草、味辛平、去惡蟲、除脾胃寒熱、通利九竅、血脈關節、令人不忘、一名附支、

別錄、甘無毒、療脾疸、常欲眠、心煩、噦出音聲、療耳聾、散癰腫、諸結不消、及金瘡、惡瘡、鼠瘻、踠折、鼷鼻、息肉、墮胎、去三蟲、一名丁翁、生石城山谷、及山陽、正月採枝陰乾、陶隱居云、今出近道、繞樹藤生、汁白、莖有細孔、兩頭皆通、含一頭吹之、則氣出彼頭者良、或云、即菑藤莖、

圖經、通草、生石城山谷、及山陽、今澤潞漢中、江淮南州郡、亦有之、生作藤蔓、大如指、其莖幹大者、徑二寸、每節有二三枝、枝頭出五葉、頗類石韋、又似芍藥、

二葉相對、夏秋開紫花、亦有白花者、結實如小木瓜、核黑瓢白、食之甘美、南人謂之驚覆、亦云烏菱、正月二月、採枝陰乾用、或以爲葡萄苗、非也、今人謂之木通、而俗間所謂通草、乃通脫木也、此木生山側、葉如葦麻、心空、中有瓢、輕白可愛、女工取以飾物、爾雅云、離南、活莧、釋云、離南草也、一名活莧、山海經、又名寇脫、生江南、高丈許、大葉似荷而肥、莖中有瓢、正白者是也、又名倚商、主蟲毒、其花上粉、主諸蟲瘻、惡瘡、痔疾、取粉納瘡中、貞元廣利方、療瘰癧、及李絳兵部、療胸伏氣、攻胃咽不散、方中並用之、今京師園圃間、亦有種蒔者、又按、張氏燕吳行役記、楊州、大儀甘泉東院兩廊前、有通草、其形如椿、少葉、子垂梢際、如苦楝、與今所說殊別、不知是水通耶、通脫耶、或別是一種也、古方所用通草、皆今之水通、通脫、稀有使者、近世醫家、多用利小便、南人或以蜜煎作果、食之甚美、兼解諸藥毒、

本草拾遺、本功外、子味甘、利大小便、宣通、去煩熱、食之、令人心寬、止渴下氣、江

東人呼爲畜菑子、江西人呼爲拏子、如箬袋、穰黃子、黑、食之當去其皮、蘇云、色白、乃猴菑也、

許
兩
盛
平
定
萬
開
感
蔣

防已



防已

葯草有毒
無毒當分
別論之本
經及後人
葯性此類
多矣且延
年云々又
作何解也
忽又拉到
兩漢循吏
奇々

防已、本經、中品、李當之云、莖如葛根、外白內黃、如桔梗、今藥肆所用、殊不類、
雋婁農曰、李杲、以防已險而健、能爲亂階、聞其臭、則可惡、下咽、則令人心煩
亂、飲食減少、至於去十二經濕熱壅塞、非此藥不可、其與大黃匹敵、可矣、甄權
亦云、有小毒、李時珍以入蔓草、而本經、無毒中品、豈古人精神強固、不畏洩利、
而後人柔弱、不能勝其苦寒、而乃以爲毒耶、夫藥力平者、不能去病、而猛者性
必有所偏、元氣已虧、根本漸撥、勝病之藥、旣不支、而苟且塞責之品、何裨毫末、
兩漢循吏、多在承平、至於繡衣持斧、殺馬埋輪、其時紀綱未紊、民氣恬熙、故武
健者、得行其志、而一時亦收火烈之效、至其季也、雖有戡平盜賊之績、不旋而
復熾、火燎於原、一杯曷濟、故治病治民、不先審其根本、而恃藥力之投、頭有蝨、
而剃之、蝨則盡矣、髮於何有、

〔長編〕本草經、防已、味辛平、主風寒、溫瘧、熱氣、諸癰、除邪、利大小便、一名解離、